

Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Kapitali 1

Siunertaa, pingaartittariaqartut nassuiaatillu

§ 1. Inatsisartut inatsisaatigut kulturikkut eriagisassat immikkoorutillit allanngorartullu illersorneqassapput Kalaallit Nunaata kulturikkut kingornussaasa ilaattut aammalu Kalaallit Nunaata kulturikkut oqaluttuarisaanerani paasinninnissamut tapertatut. Kulturikkut eriagisassat tamakku ukiut tuusintilikkaat ingerlanerini inuit suliaqartarsimanerinit uppersaataapput. Qanga maannalu pisut imminnut atassuserneqarnissaannut inuiaqatigiillu taakkunannga pilersitsisut takussaasunngortinnissaannut peqataapput.

Imm. 2. Kulturikkut eriagisassat nukissatut eriagisassatut, ilisimatusarnermi paasissutissanik aallerfissatut aammalu massakkut inuusut siunissamilu kinguaariit misigisaqarnissaannut, imminnut paasinissaannut, atugarissaarnissaannut naparliinnannginnissaannullu qaqugumut tunngavilersuisussatut nunami maani pisussaaffeqarnitsinnut Inatsisartut inatsisaat ilaavoq.

Imm. 3. Inatsisartut inatsisaatigut Kalaallit Nunaata kulturikkut kingornussaasa nunarsuarmiut inuiaallu oqaluttuarisaanerannut pingaarutilimmik akuunerat qularnaarneqarpoq, kiisalu eqqissimatitassanngortitsineq allatulluunniit kulturikkut kingornussatut illersugassanngortitsineq siunertaralugu kulturikkut kingornussanik illersuinermit suliniuteqarneq aqqutigalugu, Kalaallit Nunaat nunarsuarmioqatigiit kulturikkut kingornussaannik illersuinermit peqataalluni.

Imm. 4. Inatsisartut inatsisaatigut qularnaarneqarpoq, kulturikkut eriagisassat illersorneqarnerisa pisariaqavitsillugu, inuiaqatigiit ineriartortinneqarneranni, ataatsimoornerusumik isiginnilluni pingaartittariaqartut naapertuuttumik mianeralugit pisinnaanissaat.

Imm. 5. Inatsisartut inatsisaatigut qularnaarneqarpoq, kulturikkut eriagisassap aamma ilisimasat paasissutissallu kulturikkut eriagisassap imarisaasa sapinngisamik pitsaanerpaamik uppersaasarsorneqarnissaat, Naalakkersuisut inuiaqatigiit ineriartortinneqarneranni, ataatsimoornerusumik isiginnilluni pingaartittariaqartut innersuullugit, tak. § 3, eqqissimatitsinissamik allatulluunniit kulturikkut kingornussatut illersuinnissamik pilersaarutit tunuartinneqarnissaannik aalajangiissappata, imaluunniit eqqissimatitsinermik allatulluunniit kulturikkut kingornussatut illersuinermit pioreersumik allanngiissappata atorunnaarsitsissappataluunniit.

§ 2. Kulturikkut eriagisassat inatsimmi matumani pineqartut tassaapput qanganitsat eriagisassat imaaliillaannarlugit peerneqarsinnaanngitsut, illut kiisalu sumiiffiit kulturikkut oqaluttuarisaanermi pingaarutillit.

Imm. 2. Qanganitsat eriagisassat imaaliillaannarlugit peerneqarsinnaanngitsut tassaapput inoqarsimaneranut ersiutit tigussaasut, qangaaniilli piusut taakkualu sumiiffimminni attuumassuteqarfi.

Imm. 3. Illu tassaavoq illu pineqartoq tamarmi, illup silataa, illup ilai ataasiakkaat illullu avatangiisai qaninnerit, tamarmiusumik ataavartitsinissamut illersuinissamulluunniit ilaasut.

Imm. 4. Sumiiffiit kulturikkut oqaluttuarisaanermi pingaarutillit tassaapput sumiiffiit kulturikkut oqaluttuarisaanermut atatillugu naleqartut.

§ 3. Naalakkersuisut immikkorluinnaq pisoqartillugu, kiisalu inuiaqatigiit ineriartortinneqarneranni, ataatsimoornerusumik isiginnilluni pingaartittariaqartunik, patsisitalersukkamik innersuussillutik, tak.

imm. 2, eqqissisimatitassanngortitsinissamik allatulluunniit kulturikkut kingornussatut illersugassanngortitsinissamik eqqarsaat tunuartinneqassasoq aalajangiisinnaassapput imaluunniit eqqissisimatitassanngortitsisimanermik allatulluunniit kulturikkut kingornussatut illersugassanngortitsisimanermik pioreersumik allannguisinnaassallutik atorunnaarsitsisinnaassallutilluunniit. Naalakkersuisut aalajangiinnerminni kulturikkut eriagisassap kulturikkut oqaluttuarisaanermi pingaaruteqassusianik, kulturikkut eriagisassap takornariaqarnermut atatillugu periarfissariunnagaanik aamma eqqissisimatitsinnginnerup allatulluunniit kulturikkut kingornussatut illersuinnginnerup kingunerisassaanik naliliissapput, suliffeqarfiup pineqartup inuiaqatigiit ineriartortinneqarneranni, ataatsimoornerusumik isiginnilluni pingaartittariaqartuunerarneqarneranut naleqqiussillutik.

Imm. 2. Inuiaqatigiit ineriartortinneqarneranni, ataatsimoornerusumik isiginnilluni pingaartittariaqartutut paasineqassapput, tunngavigisat makkunannga patsiseqartinneqartut:

- 1) inuiaqatigiit nukissamik ataavartumik pilersorneqarnissasa qularnaarnissaannik kissaateqarneq,
- 2) inuiaqatigiit pinngortitaq pissutigalugu ajunaarnersuit malitsigisinnaasaannut illersornissaasa isumannaarnissaannik kissaateqarneq imaluunniit,
- 3) inuutissarsiornikkut suliffeqarfinnik pilersitsinissamik imaluunniit pioreersunik annertusaanissamik kissaateqarneq, taakku

a) inuiaqatigiinnut iluanaarutaasinnaasunik annertuunik pilersitsippata aamma

b) sumiiffimmi allami kulturikkut eriagisassanik eqquiffunngitsumi annertuunik aningaasartuuteqarneroqqaarani ingerlanneqarsinnaanngippata.

Imm. 3. Naalakkersuisut inuiaqatigiit ineriartortinneqarneranni, ataatsimoornerusumik isiginnilluni pingaartittariaqartut innersuullugit aalajangiussippata, Naalakkersuisut aalajangiussinnerminnut atatillugu aammattaaq aalajangiiffigissavaat, kulturikkut eriagisassap aamma ilisimasat paasissutissallu taassuma imarisaasa illersorneqarsinnaasumik uppersarsaasersorneqarnissaat ilutigisaanik qanoq pissanersoq, tak.

§ 1, imm. 5. Naalakkersuisut aalajangiussinnerminni pingaartissavaat kulturikkut eriagisassap kulturikkut oqaluttuarisaanermi pingaaruteqassusia aamma kulturikkut eriagisassap illersorneqarsinnaasumik uppersarsaaserneqarnissaanut iliuusissat pisariaqartinneqartut qanoq ittuunissaat qanorlu annertutiginissaat. Naalakkersuisut kulturikkut eriagisassaq pillugu isumannaatsumik uppersarsaasersuinissaq qularnaarumallugu iliuuserisassatut aalajangiussaannut aningaasartuutit, sanaartortsitsisumit imaluunniit suliffeqarfiup, inuiaqatigiit ineriartortinneqarneranni,

ataatsimoornerusumik isiginnilluni pingaartittariaqartuuneranik tunngaveqarluni pilersinneqarneranut akisussaasumit akilernerqassapput. Aalajangiinermut atasumik Naalakkersuisut aammattaaq allanik piumasaqaateqarnissamik aalajangiisinnaassapput.

Kapitali 2

Qanganitsat eriajisassat imaaliallaannarlugit peerneqarsinnaanngitsut

§ 4. Kapitalimi uani pineqarput nunami imartamilu qanganitsat eriajisassat imaaliallaannarlugit peerneqarsinnaanngitsut.

§ 5. Qanganitsat eriajisassat 1900-p siornaneersut tamarmik eqqissisimatitaapput, taakkununga ilanngullugit illukut, nunaqarfikut, ilerri iliveqarfikullu. Nunaannarmi ilerri 1900-p kingornaneersut aammattaaq eqqissisimatitaapput.

Imm. 2. Nunatta Katersugaasiviata Allagaateqarfialu, taamaattoq tak. § 8, tamanna pillugu tusarniaareernerup kingorna, tak. § 7, imm. 3, eqqissisimatitassat aalajangiiffigissavai 1900-miit kingornagullu sanaartukkat, iliveqarfiit atorunnaakkat, inussuit, narsaatit tamakkunanilu ujaqqanik assequtaliussat, piunnarnissaat oqaluttuarisaanermut annertuumik pingaaruteqartut.

Imm. 3. Naalakkersuisut Nunatta Katersugaasiviata Allagaateqarfialu inassuteqaateqarnera naapertorlugu, qanganitsat eriajisassat imaaliallaannarlugit peerneqarsinnaanngitsut eqqissisimatinneqarnissaat malittarisassaliuussinnaavaat, eqqissisimatitsinissamut piumasaqaatit ilanngullugit.

§ 6. Eqqissisimatitassanngortitsinerup kingunerissavaa eqqissisimatitassanngortitat innarlerneqannginnissaat, allanngortinneqannginnissaat imaluunniit tamakkiisumik ilaannakortumilluunniit nuunneqannginnissaat.

Imm. 2. Qanganitsanit eriajisassaniit imaaliallaannarlugit peerneqarsinnaanngitsuniit 2 meterisut ungasitsigisup iluani suugaluartunilluunniit ingerlatsisoqaqqusaanngilaq.

Imm. 3. Qanganitsanit eriajisassaniit imaaliallaannarlugit peerneqarsinnaanngitsuniit 2 meterimiit 20 meterisut ungasitsigisup iluani suugaluartunilluunniit ingerlatsisoqaqqusaanngilaq, nunalerinikkut ingerlatsinerit qanganitsanullu eriajisassanut orniguttut aqqusineeraliunnerat eqqaassanngikkaanni. Nunalerinikkut ingerlatanut ilaapput nunap qaavaniit 15 cm tikillugu itissusilimmut nunap qaavanik nalimmatserineq, naggorissaaneq, naasussaliineq kiisalu nunatap ivigartortitsivittut atorneqarnera. Nunalerinikkut ingerlatanut allanut, matumanittaaq ujaraajaanissamut, kiisalu paasissutissanut nivinngaaviliinissamut, eqqaavinnik allanillu inuit qanganitsanut eriajisassanut imaaliallaannarlugit peerneqarsinnaanngitsunut tikitsinnaanerannut iluaqutaasinnaasunik ikkussinissamut Nunatta Katersugaasivia Allagaateqarfialu akuersissuteqarsinnaavoq.

Imm. 4. Immikkut tunngavissaqavitsillugu imm. 1-3-mi aalajangersakkat sanioqqunneqarnissaat Nunatta Katersugaasiviata Allagaateqarfialu akuersissutigisinnaavai.

§ 7. Atuisut nunaminertamik tunineqarsimasut allatulluunniit nunaminertamik atuisinnaatitaasut, kommunalbestyrelsit, pisortani oqartussat sumiiffinnilu katersugaasiviit peqatigiiffillu, nalinginnaasumik aalajangersimasumilluunniit eqqissisimatitsinissaq ataavartitsinissarlunniit siunertaralugu

isumagisaqartut, qanganitsanik eriajisassanik imaaliiallaannarlugit peerneqarsinnaanngitsunik eqqissisimatitassanngortitsinissaq pillugu suliaassanik, kiisalu taakkuninnga allanngortitsinissamik atorunnaarsitsinissamillunniit suliaassanik saqqummiisinnaapput. Tamatuma saniatigut Nunatta Katersugaasivia Allagaateqarfialu nammineerluni suliaassanngortitsisinnaavoq.

Imm. 2. Nunatta Katersugaasivia Allagaateqarfialu qanganitsat eriajisassat imaaliiallaannarlugit peerneqarsinnaanngitsut eqqissisimatitassanngortinnissaat aamma tamatuminnga allanngortitsinissaq imaluunniit atorunnaarsitsinissaq pillugit aalajangiisuusaaq. Nunatta Katersugaasivia Allagaateqarfialu aalajangiinermut atatillugu piumasaqaatinik aalajangersaasinnaavoq.

Imm. 3. Eqqissisimatitsinermut tunngasunik aalajangiisoqartinnagu imaluunniit allanngui-soqartinnagu atorunnaarsitsisoqartinnaguluunniit, inuit tamat, atuisut nunaminertamik tunineqarsimasut allatulluunniit nunaminertamik atuisinnaatitaasut, kommunimi qanganitsap eriajisassap imaaliiallaannarlugu peerneqarsinnaanngitsup inissisimaaffigisaani kommunalbestyrelsi, Naalakkersuisut allallu pineqartumut soqutigisallit ilisimatinneqassapput tusarniaavigineqarlutillu. Tusarniaaneq qaammatinik 3-nik sivilisuseqassaaq, piffissallu taassuma iluani taaneqartut oqaaseqaateqarnissamut periarfissaqartitaassallutik. Kiisalu Kulturiklut kingornussat pillugit siunnersuisoqatigiit inassuteqaateqassapput, tak. § 29, imm. 2.

Imm. 4. Imm. 3-mi taaneqartup nalunaaruteqarnerup pineraniit eqqissisimatitassanngortitsinissamut akornutaasinnaasumik imaluunniit ajornartorsiortitsisinnaasumik iliuuseqartoqassanngilaq. Tamanna atuutinngilaq aatsitassarsiornermut aamma sikumik imermillu isumalluutitut tunngasuni misissueqqaarnissamut, ujarlernissamut atuisinnaanermullu akuersissutaareersunut, kiisalu erngup nukingani nukissiorfiliornermut taamatullu taakkununga atasumik misissueqqaarnernut.

§ 8. § 7, imm. 3 malillugu tusarniaanermi tunngavissaqartumik paasinarsippat eqqissisimatitassanngortitsinissamik eqqarsaateqarneq imaluunniit eqqissisimatitassanngortitamik pioreersumik atuutsitsiinnarnissamik allannguissamilluunniit eqqarsaateqarneq, inuiaqatigiit ineriartortinneqarneranni, ataatsimoornerusumik isiginnilluni pingaartittariaqartunut patsitalersukkamik akerliusoq, tak. § 3, Nunatta Katersugaasiviata Allagaateqarfialu suliaq Naalakkersuisunut aalajangiiffigisassanngorlugu saqqummiutissavaa. Suliaq Naalakkersuisunut saqqummiunneqannginnerani Nunatta Katersugaasiviata Allagaateqarfialu Kulturiklut kingornussat pillugit siunnersuisoqatigiinnut oqaaseqaateqarfigitissavaa. Kulturiklut kingornussat pillugit siunnersuisoqatigiinnut saqqummiussinermini, tamatumalu kingorna suliaq Naalakkersuisunut ingerlateqqinnerani, Nunatta Katersugaasiviata Allagaateqarfialu ilanngullugit tunniutissavai, eqqissisimatitassanngortitsinissamik suliaq aalajangiiviginissaanut inassuteqaatini aamma Naalakkersuisut eqqissisimatitsinissamik eqqarsaataagaluaq tunuartillugu imaluunniit eqqissimatitsineroreersoq allanngortillugu atorunnaarsilluguluunniit aalajangiissagalarpata, qanganitsap eriajisassap isumannaatsumik uppersaasorsorneqarnissaannut pisariaqartumik iliuusissatut inassuteqaatini.

Imm. 2. Naalakkersuisut eqqissisimatitsinissamik imaluunniit eqqissisimatitsinermik pioreersumik atuutsitsiinnarnissamik allannguissamilluunniit aalajangiissagalarunik malittarisassanik § 6, imm. 1-3-miittunik sanioqutitsisinnaapput.

§ 9. Nunatta Katersugaasiviata Allagaateqarfialu eqqissisimatitsinerit aamma taakkunannga allannguinerit atorunnaarsitsinerilluunniit, tamakku pillugit aalajangiisoqarneraniit, ullut 14-it qaangiutsinnagit tamanut saqqummiutissavai. Piginnittoq, atuisut nunaminertamik tunineqarsimasut allatulluunniit atuisinnaatitaasut aamma kommuni qanganitsap eriagisassap inissisimaffigisaa, kiisalu pineqartumut soqutiginnittut allat toqqaannartumik ilisimatinneqassapput.

Imm. 2. Sumiiffimmut qanganitsap eriagisassap inissisimaffigisaanut pisinnaatitaanermik pigisaqartunit tamanit, eqqissisimatitsineq ataqpineqassaaq, pisinnaatitaanerup qanga atuutilersimanera apeqqutaatinngu.

§ 10. Nunatta Katersugaasiviata Allagaateqarfialu qanganitsat eriagisassat imaaliillaannarlugit peerneqarsinnaanngitsut eqqissisimatitaasut ilisimaneqartut tamaasa nalunaarsussavai, matumani ilanngullugit eqqissimatitassanngortitsinermut piumasaqaataasut.

Imm. 2. Nunatta Katersugaasiviata Allagaateqarfialu qanganitsat eriagisassat imaaliillaannarlugit peerneqarsinnaanngitsut Inatsisartut inatsisaat manna tunngavigalugu eqqissisimatitassanngortitaasimasut nakkutigissavai.

Imm. 3. Nunatta Katersugaasiviata Allagaateqarfialu aningaasanut inatsimmi aningaasaliissutit iluini qanganitsat eriagisassat imaaliillaannarlugit peerneqarsinnaanngitsut pingaaruteqartut aserfallatsaalineqarnissaat isumagissavaa.

Tigussaasumik pilersaarusiornermut atatillugu aammalu assaanissamut piareersarnermut atasumik qanganitsat eriagisassat imaaliillaannarlugit peerneqarsinnaanngitsut isumannaarneqarneri

§ 11. Nunatta Katersugaasiviata Allagaateqarfialu nunaminertanik pilersaarusiornermut aatsitassalerinermullu oqartussaasut susassaqtullu allat, nunap pisuussutaanik atuinerмик suliaqartut suleqatigalugit sulissutigissavaa qanganitsat eriagisassat imaaliillaannarlugit peerneqarsinnaanngitsut aamma ilisimasat paasissutissallu taakkunannga pilersut siunissaq eqqarsaatigalugu isumannaarneqarnissaat.

Imm. 2. Nunaminertanik pilersaarusiornermut aatsitassalerinermullu oqartussat allallu nunap piinik atuinerмик suliaqartut, pilersaarusiornermini akuersissutillu suliarinerini qanganitsanik eriagisassanik imaaliillaannarlugit peerneqarsinnaanngitsunik attuisinnaasut suliaritillugit Nunatta Katersugaasivia Allagaateqarfialu akulerutsittassavaat.

Imm. 3. Nunaminertanik pilersaarusiornermut aatsitassalerinermullu oqartussat allallu nunap piinik atuinerмик suliaqartut, akuersissutinik qanganitsanik eriagisassanik imaaliillaannarlugit peerneqarsinnaanngitsunik attuisinnaasunik suliaqarnerminnut atatillugu, Inatsisartut inatsisaanni matumani imm. 4-mi, §§ 12-16-imi aamma § 32-mi imarisaasut pillugit qinnuteqartoq nalunaarfigissassavaat.

Imm. 4. Annertuumik assaasoqassatillugu sanaartortitsisup Nunatta Katersugaasivia Allagaateqarfialu akulerutsissavaa.

Imm. 5. Sumiiffinni pineqartuni imm. 2 aamma 4 naapertorlugit peqataatitsilluni Nunatta Katersugaasiviata Allagaateqarfialu allagaateqarfiit atorlugit qanganitsanik eriagisassanik imaaliillaannarlugit peerneqarsinnaanngitsunik peqarneranik nakkutillineq ingerlatissavaa.

§ 12. Sanaartortitsisup imaluunniit misissueqqaarnermik assaanernilluunniit akiliisussap, suliap aallartinnginerani Nunatta Katersugaasivia Allagaateqarfialu qinnuigisinnaavaa sumiiffiup pineqartup qanganisarsiornikkut naliliivigineqarnissaanik.

Imm. 2. Nunatta Katersugaasiviata Allagaateqarfialu aalajangiussinnaavaa sumiiffimmi pineqartumi qanganisarsiornikkut naliliisoqassasoq, sumiiffik qanganisarsiornikkut ilisimaneqanngippat imaluunniit qanganitsanik eriagisassanik imaaliallaannarlugit peerneqarsinnaanngitsunik peqarnissaa ilimagissallugu patsisissaqarpat.

Imm. 3. Qanganisarsiornikkut naliliineq piaarnerpaamik pissaaq, immikkullu ittunik pisoqartinnagu qaammatit 9 qaangiutsinnagit naammasseriissalluni. Piffissaliussaq naatsorsorneqassaaq naliliinissamik qinnuteqaateqarnermiit, tak. imm. 1, imaluunniit qanganisarsiornikkut naliliinissap aalajangiunneqarnerata, tak. imm. 2, sanaartortitsisumut imaluunniit assaanermik akiliisussamut nalunaarutigineqarneraniit.

§ 13. Sanaartortitsisup imaluunniit misissueqqaarnermik assaanermilluunniit akiliisussap suliap aallartinnginnerani Nunatta Katersugaasivia Allagaateqarfialu qinnuigisinnaavaa sumiiffimmi qanganisarsiornikkut misissuineramik ingerlatseqqullugu.

Imm. 2. Nunatta Katersugaasiviata Allagaateqarfialu aalajangiussinnaavaa sumiiffimmi pineqartumi qanganisarsiornikkut misissuisoqassasoq, Nunatta Katersugaasiviata Allagaateqarfialu nalilerpagu sumiiffik qanganitsanik eriagisassanik imaaliallaannarlugit peerneqarsinnaanngitsunik peqartoq.

Imm. 3. Qanganisarsiornikkut misissuineq piaarnerpaamik suliarineqassaaq, qaammatillu 18-it qaangiutsinnagit naammassereersimassalluni, pissutsit immikkut ittut atuutsinnagit. Piffissaliussaq naatsorsorneqassaaq misissuinissamik qinnuteqaateqartoqarneraniit, tak. imm. 1, imaluunniit qanganisarsiornikkut misissuisoqarnissaanik aalajangiussinerup, tak. imm. 2, sanaartortitsisumut imaluunniit assaanermik akiliisussamut nalunaarutigineraniit.

Imm. 4. Qanganisarsiornikkut misissuineq sioqqullugu qanganisarsiornikkut naliliisoqarsimappat, tak. § 12, qanganisarsiornikkut naliliineq aamma qanganisarsiornikkut misissuineq tamarmik qaammatit 18-it qaangiutsinnagit naammassereersimassapput, pissutsit immikkut ittut atuutsinnagit. Piffissaliussaq naatsorsorneqassaaq qanganisarsiornikkut naliliinissamik qinnuteqartoqarneraniit, tak. § 12, imaluunniit qanganisarsiornikkut naliliisoqarnissaanik aalajangiussinerup, tak. § 12, imm. 2, sanaartortitsisumut imaluunniit assaanermik akiliisussamut nalunaarutigineraniit.

§ 14. Sanaartortitsisup imaluunniit assaanermik akiliisussap, qanganisarsiornikkut naliliinermut imaluunniit qanganisarsiornikkut misissuinermut aningaasartuutit akilissavai. Nunatta Katersugaasivia Allagaateqarfialu naliliinermut imaluunniit misissuinermut aningaasartuutissat missingersersuusiussavai. Missingersersuut sanaartortitsisumut imaluunniit assaanermik akiliisussamut akuerisassanngorlugu piaarnerpaamik naliliinerup misissuinerulluunniit aallartinnginerani saqqummiunneqassaaq.

Imm. 2. Inuit namminneerlutik annikinnerusumik nunami assaaneranni, aamma aatsitassat ingerlassallu tamatumunga pingaaruteqartut pillugit Inatsisartut inatsisaat naapertorlugu annikinnerusumik ujaasinissamut atuinissamullu akuerisaasunut, qanganisarsiornermi misissuinerup Naalakkersuisut tamakkiisumik ilaannakortumilluunniit aningaasartuutininik matussusiisinnapput, aningaasartuutit nammineerluni sanaartortitsisumut imaluunniit annikinnerusumik ujaasinissamut atuinissamullu

akuerisaasumut naleqqutinngitsumik artukkiissappata. Naalakkersuisut ilaannakortumik aningaasartuutunik matussusiippata, nammineerluni sanaartortitsisoq imaluunniit annikinnerusumik ujaasinissamut atuinissamullu akuerisaasoq missingersersuummik akuerisassaanik saqqummiiffiqineqassaaq, tak. imm. 1.

§ 15. Nunami assaanerit, qanganitsamik eriagisassamik imaaliallaannarlugit peerneqarsinnaanngitsunik imaluunniit qanganisarsiornikkut naliliinermik imaluunniit misissuinermik, attuisussaatinngit aallartinneqarnissaat Nunatta Katersugaasiviata Allagaateqarfialu aalajangiiffigissavaa. Aalajangiinermi pingartinneqassapput qanganitsat eriagisassat imaaliallaannarlugit peerneqarsinnaanngitsut illersorneqarnissaat, qanganisarsiornikkut naliliinerit misissuinerillu ingerlanneqarnissaasa qularnaarnissaat assaanerullu aallartinneqarnissaanut periarfissat.

Assaanerup nalaani qanganitsat eriagisassat imaaliallaannarlugit peerneqarsinnaanngitsut nassaarineqartut

§ 16. Assaanerup nalaani qanganitsamik eriagisassamik imaaliallaannarlugu peerneqarsinnaanngitsumik naammattuusoqarpat sanaartortitsisup nassaarnek erngertumik Nunatta Katersugaasivianut Allagaateqarfianullu nalunaarutigissavaa, suliarlu - qanganitsamik eriagisassamik imaaliallaannarlugu peerneqarsinnaanngitsumik attuina naapertorlugu - unitsinneqassaaq. Nunatta Katersugaasiviata Allagaateqarfialu aalajangissavaa qanganisarsiornikkut misissuisoqassanersoq, tak. § 13, imm. 2, imaluunniit eqqissimatitsinissaq siunertarlugu suliamik aallartitsisoqassanersoq, tak. § 5, imm. 2.

§ 17. Nunatta Katersugaasivia Allagaateqarfialu qanganitsat eriagisassat imaaliallaannarlugit peerneqarsinnaanngitsut aammalu nassaat assaaviginissaannut suliffeqarfinnut allanut imaluunniit ilisimatusarnikkut soqutigisaqaqatigiinnut akuersissuteqarsinnaavoq, akuersissutinullu atasumik piumasaqaasiorluni.

Kapitali 3

Illut

§ 18. Nunatta Katersugaasiviata Allagaateqarfialu, taamaattoq tak. § 20, tusarniaareernikkut, tak. § 19, imm. 2, illut piuinnarnissaat illersornissaalluunniit oqaluttuarisaanikkut imaluunniit illulioriaatsikkut annertuumik pingaaruteqartut eqqissimatinnissaat aalajangissavaa.

Imm. 2. Illunik eqqissimatitassanngortitsinerup malitsigissavaa illup aserfallatsaaliorneqarnissaanut aamma sanaartorfigineqarsinnaananerut naleqqiullugu immikkut pisussaaffeqarnek, tak. § 22.

Imm. 3. Naalakkersuisut, Nunatta Katersugaasiviata Allagaateqarfialu inassuteqareerneratigut, illunik eqqissimatitassanngortitsisarnek pillugu malittarisassiuussisinnaapput, eqqissimatitsinermut piumasaqaataasussat ilanngullugit.

§ 19. Piginnittut, atuisut nunaminertamik tunineqarsimasut allatulluunniit nunaminertamik illumilluunniit atuisinnaatitaasut, naalagaaffik, kommunit, sumiiffinni katersugaasiviit aammalu peqatigiiffiit siunertanik nalinginnaasumik aalajangersimanerusumilluunniit eqqissimatitsinissamik ataavartitsinissamillu isumaginnittut eqqissimatitassanngortitsinissaq kiisalu taassuminnga allannguinnissaq imaluunniit

atorunnaarsitsinissaq pillugit sulianik aallartitsisinnaapput, tamatumunnga ilanngullugit illup eqqissisimatitaasup nuunneqarnissaa pillugu suliassat. Taamatuttaaq Nunatta Katersugaasivia Allagaateqarfialu tamanna pillugu nammineq suliamik aallartitsisinnaavoq.

Imm. 2. Eqqissisimatitassanngortitsinissamik kiisalu taassuminnga allannguissamik imaluunniit atorunnaarsitsinissamik aalajangiissoqarnissaq sioqqullugu inuit tamat, piginnittoq, atuisut nunaminertamik tunineqarsimasut allatulluunniit nunaminertamik illumilluunniit atuisinnaatitaasut, kommunilu illup inissisimaffigisaa, Naalakkersuisut allallu pineqartumut soqutigisallit ilisimatinneqassapput tusarniaaffigineqarlutillu. Tusarniaanissamut piffissaliussaq qaammatinik 3-nik sivissuseqassaaq, pineqartullu piffissap taassuma iluani oqaaseqaateqarnissamut periarfissaqartitaapput. Kiisalu Kulturikkut kingornussat pillugit siunnersuisoqatigiit inassuteqaateqassapput, tak. § 29, imm. 2.

Imm. 3. Imm. 2-mi taaneqartup ilisimatitsinerup pineraniit eqqissisimatitassanngortitsinissamut akornutaasinnaasumik imaluunniit ajornartorsiortitsininaasumik iliuuseqartoqassanngilaq. Tamannali atuutinngilaq aatsitassarsiornermut tunngasuni misissueqqaarnissamut, ujarlernissamut atuisinnaanermullu akuersissutaareersunut, sikumik imermillu isumalluutitut tunngasunut, kiisalu erngup nukinganik nukissiorfiornermut taamatullu taakkununga atasumik misissueqqaarnernut.

Imm. 4. Eqqissisimatitassanngortitsinissamik kiisalu taassuminnga allannguissamik atorunnaarsitsinissamilluunniit suliat Nunatta Katersugaasiviata Allagaateqarfialu aalajangiiffigissavai. Nunatta Katersugaasivia Allagaateqarfialu aalajangiinermut atatillugu piumasaqaatinik aalajangersaasinnaavoq.

§ 20. § 19 malillugu tusarniaanermi tunngavissaqartumik paasinarsippat eqqissisimatitassanngortitsinissamik eqqarsaateqarneq imaluunniit eqqissimatitsinermik pioreersumik atuutsitsiinnarnissamik allannguissamilluunniit eqqarsaateqarneq, inuiaqatigiit ineriartortinneqarneranni, ataatsimoornerusumik isiginnilluni pingaartittariaqartunut akerliusoq, Nunatta Katersugaasiviata Allagaateqarfialu suliaq Naalakkersuisunut aalajangiiffigisassanngorlugu saqqummiutissavaa. Naalakkersuisut aalajangiinnginneranni suliaq Kulturikkut kingornussat pillugit siunnersuisoqatigiinnut oqaaseqarfigeqqullugu saqqummiunneqassaaq. Kulturikkut kingornussat pillugit siunnersuisoqatigiinnut saqqummiussinermini, tamatumalu kingorna suliap Naalakkersuisunut ingerlateqqinnerani, Nunatta Katersugaasivia Allagaateqarfialu, eqqissisimatitassanngortitsinissap aalajangiiffiginissaanut aamma Naalakkersuisut eqqissimatitsiniaratik imaluunniit eqqissimatitsinermik pioreersumik allannguissamik atorunnaarsitsinissamilluunniit aalajangiissagaluarpata, illup illersorneqarsinnaasumik uppersaasorsorneqarnissaa qularnaarumallugu iliuuserisassat pisariaqartut pillugit inassuteqaateqassaaq.

Imm. 2. Naalakkersuisut eqqissisimatitsinissamik imaluunniit eqqissisimatitsinermik pioreersumik atuutsitsiinnarnissamik allannguissamilluunniit aalajangiissagaluarunik, Naalakkersuisut malittarisassanik § 22, imm. 1-miittunik sanioqqutitsisinnaapput.

§ 21. Nunatta Katersugaasiviata Allagaateqarfialu eqqissisimatitassanngortitsinermik, aamma takkuninnga allannguinnermik imaluunniit atorunnaarsitsinermik aalajangiinerit, aalajangiinnermiit ullut 14-it qaangiutsinnagit, tamanut nalunaarutigissavai. Piginnittoq, atuisut nunaminertamik tunineqarsimasut, allatulluunniit illumik atuisinnaatitaasut kommunilu illup inissisimaffigisaa, kiisalu susassaqartut allat

tamarmik toqqaannartumik ilisimatinneqassapput.

Imm. 2. Eqqissimatitassanngortitsinernik aalajangiinerit Nunatta Katersugaasiviata Allagaateqarfialu piumasaqaateqarneratigut Kalaallit Nunaanni Eqqartuussivimmit nalunaarsorneqassapput. Piginnittut ninneri Kalaallit Nunaanni Eqqartuussiviup Nunatta Katersugaasivianut Allagaateqarfianullu nalunaarutigissavai.

Imm. 3. Eqqissimatitsineq illumut pisinnaatitaaffimmik pigisaqartut tamarmik ataqqissavaat, pisinnaatitaaffik qaqugukkut pilersimanersoq apeqqutaatinnagu.

§ 22. Illu eqqissimatitaq piginnittunit isumannaatsumik aserfallatsaalineqassaaq eqqissimatitassanngortitsinermut naapertuuttumik. Nalinginnaasumik aserfallatsaaliuineq pissaaq atortussat, periutsit qalipaattillu maannamut atorneqartut atorlugit, illullu eqqissimatitassanngortitaasimasup eqqissimatitassanngortitsinerup nalaani qanoq issusia isikkualu naapertorlugit. Nunatta Katersugaasiviata Allagaateqarfialu immikkut pissutsit taamaaliornissaq taperserpassuk, atortussat, periutsit qalipaattillu maannamut atorneqartut atornisaannik piumasaqaat sanioqqussinnaavaa.

Imm. 2. Illumi eqqissimatitassanngortitami sanaartornerit tamarmik Nunatta Katersugaasivianit Allagaateqarfianillu akuerineqqaassaapput, suliaq illup ilaanut eqqissimatitassanngortitsinermi pineqartunut ilaappat, aammalu suliaq nalinginnaasumik aserfallatsaaliinermi annertuneruppat. Nunatta Katersugaasivia Allagaateqarfialu akuersissummut atasumik piumasaqaateqarsinnaavoq.

Imm. 3. Qinnuteqartoqareerneratigut Nunatta Katersugaasivia Allagaateqarfialu aalajanger-sinnaavoq illumi eqqissimatitassanngortitami aserfallatsaaliuinermit imaluunniit sanaartornermit aningaasartuutit aningaasanut inatsimmi aningaasaliissutit iluannit tamakkiisumik ilaannakortumilluunniit aningaasartuutigineqassat.

§ 23. Illut eqqissimatitaasut Nunatta Katersugaasiviata Allagaateqarfialu nalunaarsussavai, eqqissimatitassanngortitsinermi piumasaqaataasut ilanngullugit.

Imm. 2. Nunatta Katersugaasiviata Allagaateqarfialu illut eqqissimatitat nakkuti-gissavai.

Kapitali 4

Sumiiffiit kulturikkut oqaluttuarisaanermi pingaarutillit

§ 24. Nunatta Katersugaasiviata Allagaateqarfialu, taamaattorli tak. § 26, tusarniaaneq ingerlatereerlugu, tak. § 25, imm. 2, sumiiffiit kulturikkut oqaluttuarisaanermi pingaarutillit eqqissimatitassanngortinneqarnissaannik allatulluunniit kulturikkut kingornussatut illersorneqarnissaannik aalajangiissaaq, sumiiffiit piunnarnissaat imaluunniit illersorneqarnissaat annertuumik pingaaruteqarpat.

Imm. 2. Sumiiffiit kulturikkut oqaluttuarisaanermi pingaarutillit eqqissimatitassanngortinneqarnerannut allatulluunniit kulturikkut kingornussatut illersugassanngortinneqarnerannut ilaavoq ataqatigiissuseq, kulturikkut eriagissat arlaqartut imaluunniit sumiiffiup immikkut pisimasoqarfusup akornanni piosuq.

Imm. 3. Sumiiffiit kulturikkut oqaluttuarisaanermi pingaarutillit eqqissimatitassanngortinneqarnerisa nassatarissavaa sumiiffiup iluani sunilluunniit iliuuseqarnissap inerteqqutaanera, kikkunnilluunniit tikinneqarsinnaanissaat eqqaassanngikkaanni. Immikkut tunngavissaqavitsillugu Nunatta Katersugaasivia

Allagaateqarfialu tamatuminnga sanioqqutitsinissamik akuersisinnaavoq.

Imm. 4. Sumiiffinnik kulturikkut oqaluttuarisaanermi pingaarutilinnik allatut kulturikkut kingornussatut illersugassanngortitsinerup nassatarissavaa, sumiiffiup iluani sunilluunniit sumiiffiup ilaanut imaluunniit sumiiffimmut tamarmut isikkuluutaalersinnaasumik aseruutaasinnaasumilluunniit iliuuseqartoqassanngimmat. Immikkut tunngavissaqavitsillugu Nunatta Katersugaasivia Allagaateqarfialu tamatuminnga sanioqqutitsinissamik akuersisinnaavoq.

Imm. 5. Naalakkersuisut Nunatta Katersugaasiviata Allagaateqarfialu inassuteqareerneratigut sumiiffiit kulturikkut oqaluttuarisaanermi pingaarutillit eqqissisimatitassanngortinneqarnissaannut allatulluunniit kulturikkut kingornussatut illersorneqarnissaannut malittarisassaliorsinnaapput, tamatumunnga ilanngullugit sumiiffiup killilerlugu nalunaarsorneqarnera, sumiiffiup atorineqarsinnaanera, sumiiffiup aqunneqarnera kiisalu sumiiffimmut ornigussinnaaneq ornigunermilu akiliuteqarsinnaaneq.

§ 25. Piginittut, atuisut nunaminertamik tunineqarsimasut imaluunniit nunaminertamik allatut atuinissamik akuerisaasut, naalagaaffik, kommunit, sumiiffinni katersugaasiviit aammalu peqatigiiffiit nalinginnaasumik aalajangersimasumilluunniit eqqissisimatitsinissaq ataavartitsinissarlunniit siunertaralugu isumagisaqartut, eqqissisimatitassanngortitsinissaq allatulluunniit kulturikkut kingornussatut illersuinissaq pillugit suliamik, kiisalu taassuminnga allannguinnissaq imaluunniit atorunnaarsitsinissaq pillugu suliamik aallartitsinnaapput. Taamatuttaaq Nunatta Katersugaasivia Allagaateqarfialu tamanna pillugu nammeneq suliamik aallartitsinnaavoq.

Imm. 2. Eqqissisimatitassanngortitsinissamik allatulluunniit kulturikkut kingornussatut illersugassanngortitsinissamik, kiisalu taakkuninnga allannguinnissamik imaluunniit atorunnaarsitsinissamik aalajangiisoqarnissaa sioqqullugu inuit tamat, piginnittoq, atuisut nunaminertamik tunineqarsimasut allatulluunniit nunaminertamik atuinissamut akuerineqarsimasut, kommunilu sumiiffiup kulturikkut oqaluttuarisaanermi pingaarutillip inissisimaaffigisaa, Naalakkersuisut allallu pineqartumut soqutigisallit ilisimatinneqassapput tusarniaavigineqarlutillu. Tusarniaanissamut piffissaliussaq qaammatinik 3-nik sivilissuseqassaaq, pineqartullu piffissap taassuma iluani oqaaseqaateqarnissaminut periarfissaqartitaallutik. Aammattaaq Kulturikkut kingornussanut siunnersuisoqatigiit inassuteqaateqarsinnaapput, tak. § 29, imm. 2.

Imm. 3. Imm. 2-mi taaneqartup nalunaaruteqarnerup pineraniit eqqissisimatitassanngortitsinissamik allatulluunniit kulturikkut kingornussatut illersugassanngortitsinissamik pilersaaruteqarnermut akornutaasinnaasumik imaluunniit ajornartorsiortitsinissaasumik iliuuseqartoqassanngilaq. Tamannali atuutinngilaq aatsitassasiornermut tunngasuni misissueqqaarnissamut, ujarlarnissamut atuisinnaanermullu akuersissutaareersunut, sikumik imermillu isumalluutitut tunngasunut, kiisalu erngup nukinganik nukissiorfiliornernut taamatullu taakkununga atasumik misissueqqaarnernut.

Imm. 4. Eqqissisimatitassanngortitsinissamik allatulluunniit kulturikkut kingornussatut illersugassanngortitsinissamik taakkuninngalu allannguinnissamik atorunnaarsitsinissamilluunniit suliasat Nunatta Katersugaasiviata Allagaateqarfialu aalajangiiffigisassavai.

§ 26. § 25, imm. 2 malillugu tusarniaanermi patsisitalersukkamik paasinarsippat, eqqissisimatitassanngortitsinissamik allatulluunniit kulturikkut kingornussatut illersugassanngortitsinissamik imaluunniit eqqissisimatitsinerup allatulluunniit kulturikkut kingornussatut illersuinerup pioreersup atuutsiinnarneqarnissaanik allanngortinneqarnissaanilluunniit eqqarsaateqarneq

inuiaqatigiit ineriartortinneqarneranni, ataatsimoornerusumik isiginnilluni pingaartittariaqartunut, tak. § 3, akkerliusoq, Nunatta Katersugaasiviata Allagaateqarfialu suliaq Naalakkersuisunut aalajangiiffigissassanngorlugu saqqummiutissavaa. Naalakkersuisut aalajangiinnginneranni suliaq Kulturikkut kingornussat pillugit siunnersuisoqatigiinnut oqaaseqarfigeqqullugu saqqummiunneqassaaq. Kulturikkut kingornussat pillugit siunnersuisoqatigiinnut saqqummiussinnermini, tamatumalu kingorna suliaq Naalakkersuisunut ingerlateqqinnerani Nunatta Katersugaasivia Allagaateqarfialu, eqqissisimatitassanngortitsinissap allatulluunniit kulturikkut kingornussatut illersuinissap aalajangiiffiginissaanut aamma Naalakkersuisut eqqissimatitsiniaratik imaluunniit allatut kulturikkut kingornussatut illersugassanngortitsiniaratik, imaluunniit eqqissimatitsinermik allatulluunniit kulturikkut kingornussatut illersuinermik pioreersumik allannguinnissamik atorunnaarsitsinissamilluunniit aalajangiissagalarpata, sumiiffiup kulturikkut oqaluttuarisaanermi pingaaruteqartup illersorneqarsinnaasumik uppersarsaasorsorneqarnissaa qularnaarumallugu iliuuserisassat pisariaqartut pillugit inassuteqaateqassaaq.

Imm. 2. Naalakkersuisut eqqissisimatitsinissamik allatulluunniit kulturikkut kingornussatut illersuinissamik imaluunniit eqqissisimatitsinermik pioreersumik atuutsitsinnarnissamik allannguinnissamilluunniit aalajangiissagalarunik, Naalakkersuisut malittarisassanik § 24, imm. 3-4-miittunik sanioqqutitsinnaapput.

§ 27. Nunatta Katersugaasiviata Allagaateqarfialu eqqissisimatitassanngortitsinermik allatulluunniit kulturikkut kingornussatut illersugassanngortitsinermik, aamma taakkuninnga allannguinnermik imaluunniit atorunnaarsitsinermik aalajangiinnerit, aalajangiinnermiit ullut 14-it qaangiutsinnagit, tamanut nalunaarutigissavai. Piginnittoq, atuisut nunaminertamik tunineqarsimasut, allatulluunniit nunaminertamik atuisinnaatitaasut kommunilu sumiiffiup kulturikkut oqaluttuarisaanermi pingaaruteqartup inissisimaffigissaa, kiisalu susassaqartut allat tamarmik toqqaannartumik ilisimatinneqassapput.

Imm. 2. Eqqissisimatitsineq allatulluunniit kulturikkut kingornussatut illersugassanngortitsineq pisinnaatitaaffimmik pigisaqartunit tamanit ataqqineqassapput, pisinnaatitaaffik qaqugukkut pilersimanersoq apeqqutaatinnagu.

§ 28. Nunatta Katersugaasiviata Allagaateqarfialu sumiiffiit kulturikkut oqaluttuarisaanermi pingaaruteqartut eqqissisimatitaasut allatulluunniit kulturikkut kingornussatut illersugaasut tamaasa nalunaarsussavai, matumani ilanngullugit eqqissimatitassanngortitsinermi allatulluunniit kulturikkut kingornussatut illersugassanngortitsinermi piumasaqaataasut.

Imm. 2. Nunatta Katersugaasiviata Allagaateqarfialu sumiiffiit kulturikkut oqaluttuarisaanermi pingaaruteqartut eqqissisimatitat allatulluunniit kulturikkut kingornussatut illersugaasut nakkutigissavai.

Imm. 3. Nunatta Katersugaasiviata Allagaateqarfialu aningaasanut inatsimmi aningaasaliissutit iluanni sumiiffiit kulturikkut oqaluttuarisaanermi pingaarutillit eqqissisimatitassanngortinneqarsimasut allatulluunniit kulturikkut kingornussatut illersugassanngortinneqarsimasut aserfallatsaaliineqarnissaat isumagissavaa.

Kapitali 5

Kulturikkut kingornussat pillugit siunnersuisoqatigiit

§ 29. Naalakkersuisut Kultureqarnermut ilaasortaata Kulturikkut kingornussat pillugit siunnersuisoqatigiit 3-nik ilaasortallit pilersissavai, illussanik ilusilersuinnermut, qanganisarsiornermut kulturikkullu oqaluttuarisaanermut ilisimasaqartunit inuttaqartussat. Kulturikkut kingornussat pillugit siunnersuisoqatigiit ukiut sisamakkaarlugit toqqarneqartassapput.

Imm. 2. Kulturikkut kingornussat pillugit siunnersuisoqatigiit eqqissisimatitassanngortitsinissamik allatullu kulturikkut kingornussatut illersorneqartussanngortitsinissamik suliat pillugit inassuteqaateqartassapput, § 22, imm. 2-lu malillugu akuersissutinut atatillugu tusarniarneqartassalluk. Taakku saniatigut illunik eqqissisimatitassanngortitsiniarnermi sumiiffinnillu kulturikkut oqaluttuarisaanermi pingaaruteqartunik eqqissisimatitassanngortitsiniarnermi allatulluunniit kulturikkut kingornussatut illersugassanngortitsiniarnermi pineqartunullu attuumassuteqartuni siunnersuisutut inissisimassallutik.

Imm. 3. Kulturikkut kingornussat pillugit siunnersuisoqatigiinnut Nunatta Katersugaasivia Allagaateqarfialu allatseqartitsissaaq.

Kapitali 6

Pinngitsaaliisummik pigisanik piginnikkunnaarsitsisarneq naammagittaalliorsinnaanerlu

§ 30. Naalakkersuisut Inatsisartut inatsisaat manna malillugu eqqissisimatitassanngortitsinissap allatulluunniit kulturikkut kingornussatut illersugassanngortitsinissap naammassinissaanut pisariaqarpat, pigisamik pineqartumik pinngitsaaliisummik piginnikkunnaarsitsinissamut pisinnaatinneqarput. Pinngitsaaliisummik piginnikkunnaarsitsinissaq pissaaq piginnikkunnaarsitsisarneq pillugu malittarisassat qaqugukkulluunniit atuuttut malillugit.

§ 31. Nunatta Katersugaasiviata Allagaateqarfialu Inatsisartut inatsisaat manna naapertorlugu aalajangiineri Naalakkersuisunut allakkatigut naammagittaalliutigineqarsinnaapput.

Imm. 2. Naammagittaalliorsinnaatitaapput:

- 1) Kinaluunniit aalajangiineri pineqartoq.
- 2) Kinaluunniit suliap qanoq inerneqarnissaanik inuttut imaluunniit annertuumik soqutigisaqartutut naatsorsuutigineqartariaqartoq.

Imm. 3. Naammagittaalliornissamut piffissarititaapput sapaatip-akunneri 4, ullormit aalajangiinerup aalajangiineri pineqartumut nalunaarutigineqarfianiit. Piffissaliussap qaangiutinnginnerani naammagittaalliorneq, aalajangiinerimik pineqartumik kinguartitsinermik kinguneqassaaq, naammagittaalliorfissatut oqartussaasoq allatut aalajangiinngippat.

Imm. 4. Naalakkersuisut piffissaliussamut killigititap qaangerneqarsimanera atuutinngitsoortissinnaavaat, pissutsit immikkut ittut taama ilionnissaq pisariaqartilissappasuk.

Imm. 5. Naalakkersuisut aalajangiineri allaffissornikkut sulialinnut allanut ingerlateqqinneqarsinnaanngillat.

Kapitali 7

Pineqaatissiissutit

§ 32. Akiliisussanngortitsisoqarsinnaavoq § 6, imm. 1-3, § 7, imm. 4, § 9, imm. 2, § 11, imm. 2-4, § 16, naggat siulleq, § 19, imm. 3, § 21, imm. 3, § 22, imm. 1 aamma 2, § 24, imm. 3 aamma 4, § 25, imm. 3, § 27, imm. 2 unioqqutinneqarpata aamma malittarisassat piumasaaqatillu § 3, imm. 3, § 5, imm. 3, § 18, imm. 3, § 19, imm. 4 aamma § 24, imm. 5 naapertorlugit aalajangersakkat unioqqutinneqarpata.

Imm. 2. Inatsisartut inatsisaat imaluunniit peqqussutit Inatsisartut inatsisaat tunngavigalugu atuuttuulersinneqartut akiliisitsinissamik pisinnaatitsippata, akiliisitsinikkut akiligassaq inummut inatsisitigut akisussaasumut Kalaallit Nunaanni pinerluttaalisitsinermi inatsit naapertorlugu akiligassanngortinneqarsinnaavoq.

Imm. 3. Unioqqutitsinikkut iluanaarutit arsaarinnissutigineqanngippata, akiligassiissutip annertussusilerneqarnerani iluanaarutaasimasut annertussusaat immikkut naatsorsuutigineqassapput.

Imm. 4. Akiliisussanngortitsineq aamma arsaarinninneq Nunatta karsianut iluaqutaasussanngorlugit pissapput.

Kapitali 8

Atortuulersitsineq, atorunnaarsitsinermi ikaarsaariarnermilu aalajangersakkat

§ 33. Inatsisartut inatsisaat atuutilissaaq ulloq 1. juli 2010. Ilutigisaanik Kulturikkut eriagisassat eqqissisimatitaanerit pillugu Inatsisartut inatsisaat nr. 18, 19. november 2007-imeersoq atuukkunnaassaaq.

§ 34. Eqqissisimatitassanngortitsinerit, eqqissisimatitassanngortitsinernik allatigulluunniit kulturikkut kingornussatut illersugassanngortitsinermik Inatsisartut inatsisaat manna malillugu taarserneqanngitsut atuutiinnassapput, atorunnaarsinneqarnissamik tungaanut. Illunik ukiut 100-t sinnerlugit pisoqaassusilinnik atunngitsunillu, § 5, imm. 2 naapertorlugu, Kulturikkut eriagisassat eqqissisimatitaanerit pillugu Inatsisartut inatsisaanni nr. 18, 19. november 2007-imeersumi § 3-mut sanilliullugu, eqqissisimatitsinerit Inatsisartut inatsisaata matuma atuutilerneratigut atorunnaarsinneqassapput.

Namminersorlutik Oqartussat, ulloq 19, maj 2010

Kuupik Kleist

/

Mimi Karlsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut